



通雅

官制  
事制

自北四  
至北六

13  
1842  
10





加  
門號 90  
卷 9

イ 3  
門號 1842  
卷 10

通雅卷之二十四

桐山方以智密之輯著

同里姚文燮經三較訂

官制文職

臺主憲長也○秦御史大夫佐上卿漢仍之選郡守相高第為  
之任職者為丞相復置兩丞一曰御史丞一曰中丞成帝更名  
大同空元魏踵此而中丞出外為臺主更名御史長史魏初改  
中丞為宮正晉歷南北朝並不置大夫以中丞為臺主唐因隋  
設大夫一丞二後改為司憲不久復故宋仍唐而無大夫以中  
丞為臺長今則猶西漢也中丞至六朝鹵簿出入千步絳駟





道與皇太子分道王公遜避嘗曰避中丞亦俸唐制大夫中  
午後三刻出迴避宰相如午前出宰相迴避大中大夫節卿曰  
丞相猶太宰御史大夫猶小宰御史之中丞少府之尚書猶宰  
夫大長秋猶內宰而屬少府自武帝時中丞始不得居中制事  
而光武政歸臺閣不任三公此周官之大體所必不可復也按  
漢表成帝省詹事并屬大長秋而少府下言諸僕射署長中黃  
門皆屬

持書御史即治書也○嚴延平尋注天子次不并詔持書御史  
發符下太尉通典曰中丞舊持書侍御史也胡廣曰宣帝齋居  
沒事令侍御二人治書魏置治書執法隋先于相府置察非掾

後改為治書侍御史唐為中丞漢表在殿中蘭臺掌圖籍外督  
舉劾建武中特詔與司隸校尉尚書令三司各專席而坐曰三  
獨坐梁重其選給三駟執盛印囊後魏平曰南臺或曰南  
司唐御史臺門北闕取陰殺也宋天禧時置言事御史六員元  
豐復六察以御史專領漢御史乘屬者天子出御史除二人為  
乘曹護車馬或紀御史乘屬在廟傍是也御史裡行始自馬周  
以布衣令于監御史裏行遂有此名會要曰始于龍朔用王大  
本為之

南床雜端也○通典言侍御史職有四謂推彈公解雜事知雜  
事者謂雜端最為雄劇食坐之南設橫榻謂之南床或曰即車



南省此如今掌河南道京畿道也裏行蓋如今之試御史也今稱御史為烏臺以朱博傳御史府中列柏木常有野烏數千也于文定泥顏氏家訓以為烏誤作烏智按唐宋來皆用烏府者漢書原作烏字或顏別見一本邪

三院臺院殿院察院也○御史在周為柱後史秦為侍御史監理諸郡亦謂監察御史漢罷監察之名魏置掌八部蘭臺二人居殿中側陞而坐晉復置檢校御史階改檢校為監察唐仍階而置三院一曰臺院侍御史隸臺端二曰殿院殿中侍御史隸焉號副端三曰察院監察御史隸焉號分察三院幾二十員而內供奉裡行各如正員之半宋似唐三院以知雜為侍御

言事而殿中侍御六察為監察近時十三道不分三院內糾外按人人可以言事然初為試歷三差後為道長亦其遺意也

六察察六事又察六部也○監在史第人察吏禮部第二人察兵工部第三人察戶刑部唐百官志又載察六事一察官善惡二察戶口帳籍賦役三察農桑倉廩四察賊猾私蠹五察德行才能六察黠吏豪宗其察六部乃興元元季事也元和四季以新人不出使無以觀能否乃令顯察尚書省號六察官唐之獻納院宋之檢院古納言也○唐虞納言以出納帝命故今以通政司為古之納言周官內史掌敘事之法受納訪以詔王所治蓋其職也秦漢以來統于三省門下省侍中黃門侍



掌出納帝命中書省掌制詔宣傳尚書省令丞掌通章奏北  
保定改侍中為納言唐因之又改侍中又改左相掌獻替贊  
禮儀審覆奏抄垂拱置匭以諫議充知匭使中丞為理匭使天  
寶九載改為獻納使宋雍熙改匭為檢景德改登聞檢院命直  
學士張詠判又有鼓院凡文或臣寮閣門無例通進文字并先  
經鼓院未經鼓院者檢院不得收接周禮逢窮者與遽令鄭司  
農云窮寬擊此鼓以逢于上則敢諫之鼓此其遺矣匭使屬諫  
議大夫即屬門下省則猶然也宋又有通進司銀臺司掌  
受天下章奏進御院進奏院掌受勅及百司符牒故今稱通政  
司為銀臺宋朝通進銀臺司舊隸樞密院凡內外奏覆文字必

關二司然後進御樞密學士向敏中明別置局淳化四年以宣  
徽北院聽事為通進銀臺司命敏中及張詠同知二司事發敕  
司舊錄中書尋命銀臺司兼領給事中封駁隸通進銀  
臺司由此觀之通進銀臺其職在禁中或如今之會極門收本  
之文書也明德元季文德殿兩廊門賜名左右嘉福又東西上  
閣門內正南門曰左右長慶北曰左右嘉肅次北門曰左右銀  
臺學士翰林院在其內李肇記學士出銀臺乘馬是也  
大棘廷尉也○有虞曰士夏曰大理周為司寇秦制廷尉漢景  
更名大理武帝復名廷尉哀復名大理後漢復名廷尉蓋漢無  
司寇故廷尉為重有正監及平謂廷尉三官階名大理寺唐



因之宋有大理獄官左斷刑右治獄分左右廳廳各五案鄧綺談云大理曰大棘晏公類要云棘司近日既有刑部又設大理寺與都察院稱三法司有大獄則公斷之

漢以後之九寺棘卿非三代之九卿也○夏商九卿周六官與三少周禮朝士掌外朝之法左九棘孤卿大夫佐焉六卿三孤也漢襲秦自丞相御史大夫外有正卿九太常光祿勳衛尉太僕廷尉鴻臚宗正大司農少府亦曰九寺大卿又至十二卿有執金吾大長秋將作大匠魏晉不齊如舊梁十二卿北齊九寺唐亦因之皆曰棘卿宋設九卿皆以為命官之品秩而無職事元豐正名始有職字中興以來併自冗職除太常寺大理寺

不置外宗正以太常宗而衛尉并工叩太僕併駕部太府司農併戶部光祿鴻臚并禮部紹興復置大尉司農餘遂廢廢之是也今制以六部都通大為九卿以夕貝太常太僕光祿鴻臚尚寶而已

三珪之佐謂三卿皆執珪也○楚昭王迎屠羊說以三珪之佐藻衣花綬卿服也○漢官儀曰衣裳卿大夫藻火又曰綬青地桃花

尚書裏行太常也○秦為奉常景帝六年改為太常漢官解詁曰太常為九卿之首職略曰太常柱六曹之下與尚書承郎同次謂之尚書裡行屬有大樂令大予雅樂郎大祝太宰今用



史令大卜令醫令大官令

漢有宗伯乃宗正卿非禮部也○漢平元始五季詔曰宗室自太上皇以來族親各以世民郡國置宗師以糾之致教訓焉二千石選有德義者以為宗師考察不從教令有寃失職者宗師得因郵亭書言宗伯請以聞晉灼曰宗伯宗正也近時宗人府以勛戚領之周語曰仲山甫曰古者司民協孤終司商協名姓注司商掌賜族受姓之官此即宗正之職矣

今之光祿寺非昔光祿勳漢之光祿勳乃秦之郎中令也○秦郎中令掌宮殿掖門戶漢更名光祿勳解詁曰勳之言闔也此解不通北齊曰光祿寺兼掌膳食帳幕唐龍朔改司宰光宅改

司膳自此與光祿勳絕特襲其名耳不仍唐元豐官制屬有大官令上林司而自宋及元復有宣徽院客省使亦掌燕饗饗餼前代初置宣徽院後改光祿寺寺曰懸遠而進隋有光祿大夫猶古遺意也漢光祿勳屬有諫議大夫中郎三將郎中三將騎即將羽林令監奉車都尉騎都尉謁者光祿郎表有中大夫太初改光祿大夫

大農令秦之治粟內史也○漢因秦置景帝更名大農令成帝更名大司農掌錢穀貨幣以當時無戶部也屬有太倉令均輸令平準令都內令藉田令導官令幹官廩犧令馵粟都尉市長導官主春御米及作乾糒詳下幹官幹鹽鐵也



秦漢之少府猶周之王府內府也○掌山海池澤之稅名曰太  
錢志曰掌中服御寶貨珍膳屬有符節令大官令尚食五尚太  
官獻丞湯官令丞樂府令若盧令莊戈令織室令黃門令給事  
中鉤盾令尚方令御府令掖庭令守官令上林令凡太醫太官  
守宮上林四官屬少府自侍中至御史皆以文屬焉宋中興裁  
司農少府併于戶部極是惜又復之耳

秦漢之衛府周之宮正也○掌宮門衛屯兵實宮正之職而秦  
郎中令亦掌宮殿掖門戶或曰小宮正也錦衣衛攷略以為郎  
中令似錦衣之職此特謂羽林屬之耳漢表自有中尉太初更  
名執金吾掌循徼京師有緹騎二百人然今錦衣衛司朝內鹵

簿護衛則正兼衛尉之任矣而唐之內宮主軍如神策軍使正  
中尉也古今之官名相倣而職掌不同安能強定而合之乎衛  
尉屬有公車令太誰長衛士令斬馬衛候旅賁令

執御前驅猶古太僕之遺意也○周禮有太僕下大夫掌正主  
之服佐出入王之大命王出入則自左馭而前驅周穆置太僕  
正以伯冏為之秦特襲其名耳漢太僕領五監六廐王莽改太  
御後漢復名太僕天子每出奏駕上鹵簿用大駕則執御魏因  
之晉宋不嘗置郊祀則權置執轡事畢則省唐領乘黃典廐典  
牧車府等四署天下監牧置八使宋初輿馬之政分隸郡牧騏  
驥院太僕但掌天子五輅屬車耳今之太僕則竟管馬政矣



太僕屬有騎馬令未央廐令考工令車府令牧師苑令

漢之鴻臚秦之典客周官之大行人也○周官有行人掌大賓客之禮象胥掌蠻夷閩貉之國使秦有典客掌諸侯及歸義蠻夷卽是官也漢名鴻臚應邵曰鴻聲也臚傳也屬官有行人譯官別火三令丞及郡邸長丞凡事之尊重者遣大鴻臚而輕賤者遣行人也景帝改名大行令成帝更名大鴻臚秦有典屬國成帝併入大鴻臚隋開皇廢之入太常尋復置唐曾改司文司賓皆復舊領典客司儀二署宋 仁度併入禮部近代鴻臚卿專爲臚贊之官士夫不歷此官惟南都之鴻臚卿爲大老廻翔之地耳周行人司聘問春秋列國晉有人風俗通曰周秦以八月

遣輜軒之使采異代方言皆是也蘇 全志曰縱橫家者流益出干行人之官秦漢以後奉使者不名行人如巡行之博士直指之繡衣觀風之八使按察之六使其職尊其事重矣今日之行人司正古行人職也

漢之謁者今鴻臚之職也○僕射爲謁者臺率常侍謁者五人謁者三十人初爲灌謁者滿歲爲給事謁者表曰掌賓讚受事智以爲正鴻臚鳴贊之事也而漢鴻臚屬國之職則今有提督四蠻館屬之太常少卿

舌人譯官也○周語使舌人體委與之注舌人能達異方之志象胥之官也周禮大行七歲屬象胥諭言語司農云象胥譯官



也漢志象來致福注象譯也漢表典屬國屬官有九譯令符璽令合典瑞掌節之職也○春官有典瑞北官有掌節漢因秦置符璽令佐次御史中丞別為一臺晉併蘭臺置符節御史齊置主璽令史隋有符璽局置監屬門下省煬帝改為郎唐因之宋元仍置符寶郎屬門下殿中此時為尚寶司

大均祭酒也○胡廣曰凡祭酒者賓得主饌老者舉酒祭地言為長也大均即成均也虞命典樂教胄子周禮有師保成王時彤伯入為祭酒戰國荀卿為祭酒漢吳王濞年老為劉氏祭酒祭酒之名人矣漢置博士祭酒一人晉大國子學宋太始置總明觀祭酒一人有曰社齊梁號為國師北齊曰國子寺隋置太

學大業改為國子監有祭酒司業丞工簿錄事博士助教唐龍朔改為司成館天寶置廣文館宋置判監事元豐始名祭酒司業南渡併歸禮部近日設之專以記林升轉

將作少府周官之匠人也○景帝受秦之將作少府曰大匠光或省以謁者領之章帝復置階改監匠為大令唐復為匠宋建炎併歸工部紹興復置

節度開府賜旌節者也○唐初道有將一人曰大總管已受名大都督太宗時行軍曰總管托其木道曰大都督高宗永徽都督帶使持節者始謂之節度使然猶未以名官通典曰自景雲二季始以賀拔延嗣為涼州都督充河西節度使通鑑綱目景



雲元季冬以薛納為幽州經略節度大使節度之名自此始考  
孫權初置節度官使典掌軍糧漢順帝時武都太守趙冲平羌  
有功詔冲督河西四郡兵為節度節度之義起此質帝時以滕  
撫中郎將都督揚州軍事都督之義起此唐高宗儀鳳元年遣  
大臣分道巡撫以宰相來恒為河南道大使薛元超為河北道  
大使左丞崔知悌司業鄭祖玄為江南道大使後又謂之存撫  
于文定曰此巡撫所由起也智謂名義已起于後漢事任已起  
于魏隋通鑑與實錄皆載武德元年淮安王神通為山東道安  
撫大使山東諸軍竝受節度會要載武德中唐儉為并州道安  
撫大使李靖為嶺南撫慰大使鄭元果為山東招撫大使又後

魏太和中廣陵王羽持節安撫六鎮即道元慰撫關右隋楊素  
為河北安撫大使豈必以存撫之名為近于巡撫哉其實自黃  
帝以四監舜以五長周以十連秦漢而後名稱雜出漢文遣丞  
相出刺光武置部刺史察州宣帝置都護加官魏文置都督軍  
事或領刺史晉武置大都統後周改總管此後廢大都督府置  
大後臺即節度也貞觀別置經略又遣大使巡省則有巡察安  
撫存撫諸名元和置宣撫宣慰大中置招討要之使名雖多而  
主其事任者道止一人而已加官有大小大至使相其曰開府  
一也嗣是有以邊阨開府以總制者即古制置總管都督節度  
宣撫等也有開府以巡撫者即古安撫等使而專省提封亦有



都督節度之權特官次于總督猶之魏晉大都督爲上次有監將軍督諸軍使持節與假節隋有大都督師都督都督也時有宰相經略開府者卽古大都統招討使相也有以鹽法屯田漕儲河渠開府以總理者卽古總領經制度支營田之任也開府之名昉于魏黃權以車騎將軍開府儀同三司是也唐初遣御史按察十道卽今之巡按立二十四府都督卽今之巡撫已復停止改爲五十四道采訪使以刺史領之又一變也朱宣撫甚重卽今總制也鄭剛中爲宣撫副使大將吳璘官至少師請講鈞敵之禮剛中曰少師雖尊猶都統制耳倘變常禮是廢軍容璘乃惶恐聽命曾見邊師于制府猶此禮也元用御史臺言各

路按察歲二月分巡按治十月還司此乃各省設行臺行臺御史其體輕也近代巡方歲更與漢時遣刺史法同唐宋以來未行也近日壞天下者巡方比官正得人豈官制不善乎智對德政殿謂用兵之地撤監軍並撤巡方以其制于督撫肘也

今以方伯稱藩司廉使稱臬司謂其近似也○何或曰刺史古之方伯上所委任一州表率也其實漢刺史秩卑于太守非古方伯之位也今遂以刺史事比藩臬漢遣刺史一歲而更更有似乎今之巡方而繡衣乃間遣者也今兩司則外官矣觀察提舉大約相似自唐置巡察使開元置採訪處置使其有戎旅之地卽爲節度使宋有轉運使又有提舉是唐之州縣不過一使臨



之而宋則有帥漕憲倉四司故州縣極難承奉蓋節度主兵觀  
察主民然節度多兼之各道雖有度支營田招討等使然亦多  
兼使名雖多而主其事者一人而已宋則監司各有建臺之所  
元設行中書省故官為多明亦因之改承宣布政按察之名余  
常笑兩府一道而有巡方則監司亦大知府耳絕非有古刺史  
之權也吳曾曰徐邈與范甯書曰擇公方之人以為監司監司  
名見此

京部置尹古今所同也○秦京師為內史景帝分左右武帝更  
右名京兆尹左名左馮翊秦有主爵中尉景帝更名都尉武帝  
更名扶風是為二輔治長安城中尹一人丞二人後漢置河南

尹三輔不改號但減秩耳又以左馮翊右扶風屬司隸校尉尋  
省魏晉因之江左為丹陽尹北魏曰代尹東魏曰魏尹北齊清  
都尹北周及隋復為京兆尹唐京兆本雍州置牧親王領之別  
駕貳牧永徽改長史開元改京兆尹少尹二人魏晉有治中隋  
改司馬煬改贊治後改為丞五代有開封尹宋置權知府以待  
詔以上充蔡京乞罷之置牧尹各一牧以皇子領尹以文官充  
崇寧中定京畿四府明制南北兩京尹丞皆與京堂一例治中  
而下以他流充之唐判司有雙曹徐抗當德宗時奏省之  
古今州郡之名異刺史太守之任亦異○春秋時縣大而郡小  
左傳曰上大夫受縣下大夫受郡周書作雒篇曰千里百縣縣



有四郡戰國時郡大而縣小耳茂謂秦或王曰宜陽縣大名曰縣其寔郡也漢有郡國皆統于州然州乃部之名或十二或九後漢分十四部至南北朝天下有餘州而郡猶屬焉隋廢郡存州州卽郡也煬帝又改唐又羅郡置州宋元以來設府于州府卽州也明制以州屬府則分為二矣此郡國州縣名寔之辨也智以爲古州縣之名亦有同時同名而實不同者作雒篇亦未可據也別有論秦罷侯置守漢景帝中元二季更名太守郡爲諸侯王國者置內史成帝省內史以相治民加太守或以尚書令僕射出爲郡守鍾離意昔香桓榮胡廣是也或自郡守入爲三公虞延第五倫桓虞鮑昱是也汲黯以諸侯相秩居淮陽馮

野王爲大鴻臚以秩出爲上郡太守此秩尊于守也京房守魏郡以八百石居黃霸守潁川以比二千石居官後歸潁川故官以八百石居郡此秩卑于守也晉郡守皆加將軍後魏初郡置三太守北齊制郡九等階如之至開皇罷郡以州統縣大業又改郡唐武德改州改太守爲刺史加號持節後加號爲使持節諸軍事而實無但頒銅魚符而已天寶初改州爲郡自是州郡史守更相爲名其實一也垂拱間諸州都督刺史准京官帶魚長安中以臺閣省寺分典大州于是鳳閣侍郎韋嗣立御史大夫楊再思二十人以本官檢校刺史後有兵鎮刺史皆加團練使五代仍刺史之號宋召諸鎮于京師賜第畱之分命朝臣出



守列郡號權知軍州事與後文或官叅為知州軍事及帶中書  
樞密院宣徽使職事稱判大守亦稱知府張文定方平權知開  
封府張忠定詠知益州日爾輩得好知府矣元置上路達魯花  
赤上路總管兼府尹正三品又有下路上州中州下州至五品  
而止近時知府上有監司撫按戶工刑三部郎為之間有臺臣  
季例轉知府以為大辱權輕極矣今人用太守事猶可借若用  
刺史稱今之知州則相去殊遠秦有郡丞漢因之設治中別駕  
從事晉省丞隋改別駕治中為長史司馬煬帝罷之置通守又  
置贊治佐通守下唐廢丞改別駕已復為長史宋制諸州通判  
詔知府公事并須長史通判僉議聯書方許行下又考唐天寶

後有判官之名後漢長興間詔有兩使判官防團推官十時判  
官多本州自辟舉清泰中始擇朝士為之宋兩使置判官推官  
餘州亦置判推二官元止置司馬焉司理叅軍則因五代以來  
諸州皆有馬步獄以牙校充馬步都虞候掌例法謂之馬步院  
宋開寶始置諸州司寇叅軍進士及選人為之後改為司理掌  
訟獄勘鞫之事不兼他職是亦唐之司法叅軍也今日特重司  
理耳

卽并就其所任并授也○成帝卽并班伯定襄守哀帝卽并龔  
舍為泰山守文帝就加魏尚亦卽并也舊云卽并者便道之官  
其曰策并者初除之官大行奏策如蕭昱為南郡太守八殿受



策是也

秦漢以來縣分二等北齊分九等隋復古分令長唐六等宋三等其曰畿赤者京縣與畿內也○鄭珣瑜傳貞元初詔擇十省即治畿赤唐縣有赤畿望緊上中下六等赤畿為一等也一作七等京都所治為赤縣旁邑為畿縣明代初縣亦分三等上縣命從六品中正七下從七已定命並七品今選亦分大小而京縣反無甲科按周有縣正秦制縣萬戶以上為令減萬戶為長漢因之綏和初長相墨綬建平間復黃綬晉制不經宰縣不得入為臺即後魏縣置三令長北齊制縣為九等唐分六等宋建隆初諸縣除赤畿外有望緊上中下五等始以朝臣為知縣乾

德初詔京官知縣以三季為任干文定曰宋大縣四千戶以上選朝官知小縣三千戶以下選京官知故知縣與縣令異縣令即古長吏之職知縣則以京朝官之銜知其縣事非外吏也朝官京官亦自有別朝臣知縣自大理正奚與等始元縣各有達魯花赤掌縣印以知縣為縣尹掌判縣事而丞也尉也主簿也皆古有之元之呼赤者言正掌職事也凡官皆有赤紹興中詔將作監丞簿等任滿已改官來歷民事者各與堂除知縣一次并借緋章服尋詔吏部自後縣歷文臣又詔非兩任縣令不除監察御史乾德詔京官知縣以三季為任今則進士初選為之攷選與中行評博皆以四季四月為期榆墩集曰唐虞之諸侯



不世及而受黜陟于朝政與後世守令同特名異耳周成王曰  
唐虞建官惟百內有百揆四岳外有州牧侯伯故知唐虞諸侯  
皆天子之官也觀于虞夏分州而知郡縣非秦始也

鈴閣鈴下閣中也○鈴閣之下侍衛不過十數人三省曰鈴鈴  
下閣閣中官有鈴下威儀之名是也今人皆似以轅門郡閣之  
類視之誤矣管輅為安平太守王基言烏與燕鬪者老鈴下之  
妖盧充見鈴下唱客前

日官周日正也○程本曰召子元而訓之曰昔吾之宗君為周  
日正周公定鼎郊廓修和周郊吾宗君薦其所以為祥者曰井  
田之璞大山之黑車唐叔異畝之禾始有蒲壁以朝作程典令

其顯庸書在故府左傳桓十七季天子有日官諸侯有日御日  
官居卿以底日注謂典歷數者張衡再轉復為太史令曰曩滯  
日官今又原之史記有日者傳因日官主日故善卜者以為名  
陳涉世家周文視日謂能擇日也

疇官世習以為官也○如淳曰律季二十三傳之疇官各從其  
父疇學之史歷書疇人子弟分散乃習天文者如淳曰家業世  
世相傳為疇智按漢儀注民二十三為正為衛士材官曰疇官  
猶言常規官法也管子曰人與人相疇家與家相疇言習為常  
也後山以為籌人言籌算也弱侯曰儔輩也與亮采惠疇之疇  
同



計相主計也○北平侯張蒼為計相注如淳曰計相官名主計會

掌故掌故事也○晁錯兒寬匡衡皆為之應邵曰掌故六百石主故事屬太常而表與志不載漢官儀太史有掌故三十人房鳳射策乙科為太史掌故又有文學掌故

裨官小官也○藝文志小說家出于裨官如淳曰王者欲知閭巷風俗故太裨官使稱說之師古曰裨音榜裨之裨小官也漢名臣奏唐林謂省署吏公卿大夫至都官裨官減什二

三工官謂考工室右工室東園匠也○見貢禹傳師古注皆屬少府谷永傳有工服官續志郡有鹽官鐵官工官都水官元紀

置齊三服官地理志南海郡有圃羞官交趾羸樓有羞官嚴道有水官胸忍莫復有橋官丹陽銅官桂陽金官唐六典注漢將作屬有甄官親蟻有蠶官此表志多遺者或云唐虞有艾斯以所事名亦工官也

鼎官鼎士也○東方朔傳夏育為鼎官注今殿前主鼎者鄒陽書全趙之時改力鼎士鹽鐵論戲車鼎躍咸出補吏正謂舉鼎之士也

靜室令即請室令也○續志光祿勳有請室令東駕出枉前請所幸賈生造請室注亦引此言此官有別獄史記作清室後漢張禹表曰王者止則交戟清道而後行清室而後御文紀注應



邵曰遺靜室令先案行清靜殿中以虞非常揚東傳警蹕而行靜室而止注靜室謂先使清宮也前書音義曰靜室令漢有之由此論之必有一訛在前請所幸之說乃傳會矣

大與主爵祿之官也○關氏侯馮解散以代大與降漢師古曰大與主爵祿之官

遊徼鄉之游行徼循督察者也○有被殺傷者亭長與游徼相參雜診之十里一亭亭有樓候望鄉嗇天治之游徼卽嗇夫之所統也徼工鈞切凡邊疆通稱徼王官之邊亦爲徼道游徼所部之境亦曰徼徼邊路也臧官少爲縣亭長游徼黃霸少爲陽夏游徼

門候周之門下士也○周禮司門于寶注如今城門校尉每門下士二人如今門候公車誰長之類蔡儀覆盜門候蕭望之小苑東門候周秩官有門尹關令尹喜是也宋有門尹鄭有北門之管夜士注如今都候謂行夜徼候者

輯濯船官也○表水衡有輯令劉屈氂傳太子矯制發輯濯士注輯濯行船者短曰輯長曰濯與楫擢同元后傳張周惟輯濯越歌地理志京兆尹船司空注本主船之官遂以名縣

廉人倅也○唐制大使副使皆有廉苦念切人別奏大使廉二十五人河西節度崔希逸襲破吐蕃于青海會希逸廉人孫誨入奏事說文新附曰倅從人類篇曰侍從也智按卽今之承筴也



古者副謂之倅倅又通爲萃又謂之造杜預曰副倅左傳曰翟泉人之女奔孟僖子僖子使助遠氏之造

後判沒後司也○周禮贊治注曰贊治若今起文書牘也疏起文書牘乃後判沒是贊治之法今請人專管文移刑名因號之曰後司

尉氏古獄官也○漢志注陳留尉氏應邵曰鄭之獄也因以名其縣

雞人歌鷄鳴者也○蔡質漢儀田凡中官漏夜盡鼓鳴則起鐘鳴則息衛士甲乙徼相傳甲夜畢傳乙夜相傳盡五更衛士傳言五更未明一刻後鷄鳴衛士鍾丞郎趣嚴上臺候未雀門外

宋傳鷄鳴于官中鷄鳴歌也周禮鷄人夜嘑旦以詔百官象其知時也庭燎注王有鷄人之官王不正其官而問夜早晚巾車大祭祀鳴鈴以應鷄人東坡志林曰漢官儀汝南出長鳴鷄王洙曰謂取能歌鷄鳴之人也晉太康地記曰後漢固始公安細陽銅陽四縣衛士習鷄鳴曲于闕下歌之顏師古不攷本末妄破此說唐有絳幘鷄人舒元興御史臺中書院記監察御史二人立朝堂輒道鷄人報點押百官由通乾觀象入宣政門近制升殿有鷄人于東廊下唱日出曉之歌

有秩鄉吏之名號也○黃長睿論歐陽集古錄有疎脫處如跋漢倉頡廟碑云此碑有蓮勺左鄉有秩池陽左鄉有秩池陽集



丞有秩皆不知是何名號余按前漢書張敞以鄉有秩補太守  
卒史後漢百官志鄉置有秩三老游徼本注曰有秩郡所署秩  
百石掌一鄉人又注引漢官儀載戶五千則置有秩風俗通有  
秩則田間大夫智按禮記緇衣注綸今有秩晉夫所佩也疏引  
漢百官公卿表十亭一鄉鄉有三老有秩晉夫  
枝官校官也○趙彥衛曰溧陽有東漢潘長史枝官碑或疑其  
為校官字按後漢書永平十季南巡狩祠章陵日比至又祠舊  
宅召校官子弟作雅奏鹿鳴帝自御塤筵和之則東漢鄉縣有  
校官矣

導官掌導擇米麥者唐作道系官○漢導官屬大司農張湯治宅  
獄導官谷永請省導官費用唐史作道系張文林曰相如封禪書  
導一莖六穗于庖注云導擇也說文道系瑞禾也引封禪書導系一  
莖六穗誤矣反改漢導官為導系官詳見穀蔬類

里士鄉士即古之鄉三老也○顧隣初曰洪武十九季詔賜耆  
老粟帛京師應天府鳳陽府民季七十以上天下民季八十以  
上賜爵里士應天鳳陽民八十以上天下民九十以上賜爵鄉  
士與縣官平禮竝免襍役冠帶服色別議頒行正官歲一存問  
此爵似即今之壽官而人多不知其名即漢之三老公乘爵級  
也智按管子有士舍士謂里尉每里置舍使士居焉則有職掌  
與近日之里士鄉士不同殆二十等之公士上造簪裹不更乎



通雅卷之二十四終

通雅卷之二十五

桐山方以智密之輯著  
何里姚文燮經三較訂

官制 卷職 兵制附

黃帝命大將夏始有本兵○獨孤及八陣圖記云黃帝法文昌  
以命將李靖曰黃帝始大丘井之法虛其中大將居之丘氏曰  
唐虞時兵政兼子刑官未有專司至仲康始命胤侯掌六師是  
本兵之官始于夏也古禮樂為二官而兵刑為一後則禮樂為  
一而兵刑為二古詳于化而後詳于政也  
祈父司馬也○襄十六季穆叔魇圻父注周司馬掌封畿之兵



甲詩注亦曰司馬疏曰通作畿字古字通用尚書作祈司馬堂  
祿士故司士之官屬焉是爵祿黜陟由司馬也其屬又有司士  
之官主勇力之士故爪牙屬司馬也司右掌群右之政令謂戎  
右齊右道右也齊右兼王路之右戎右兼田路之右

將軍治于周而秦漢以後文武通爲之在國則爲卿大夫長正  
在軍則爲將軍司馬卒伍古也○表將軍周末官左傳閻沒謂  
魏子爲將軍國語鄭使詹伯爲將軍吳有將軍司馬秦因之佐  
上卿漢不常置或有左右前後其職爲太尉省太尉則置大將  
軍驃騎將軍位次丞相武帝以衛青大將軍佐在諸公上或置  
大司馬或大將軍兼大司馬如三公後志比公者四第一大將

軍次驃騎次車騎次衛將軍東平王蒼以驃騎佐公上則以其  
王也四征興于漢代四安起于魏初四鎮通于柔遠四平在于  
喪亂晉之刺史郡守皆有將軍銜領晉武帝甚重兵官故兵校  
多選朝廷清選之士居之

後之都督元帥都統總管節度團練防禦皆漢之將軍也○督  
軍之名起于漢都督之名起于魏建武八年張宗以謁者督諸  
郡軍平青冀盜永初元年李石龐參拜謁者使西督三輔諸軍也  
高彪傳第五永爲督軍御史順帝末以馮緄持節督揚州諸郡  
軍事建康元年李并滕撫中郎將督揚徐二州延熹四年皇甫規  
爲中郎持節兼關西兵明季秦兗督軍御史張稟九年張奐爲



護邊疆中郎將九卿秩督幽并涼三州及度遼烏桓二營于文  
定但引質帝時已爲漏矣魏有上大將軍都督司馬懿征蜀加  
號大都督唐分諸道各置都督府則都督正漢之將軍也唐又  
有天下兵馬元帥副元帥晉太元間置河西大都督唐因黃巢  
亂置諸道行營都統宋之諸軍都統制自渡江前已有之然未  
爲官稱建炎元季置御營司遂擢王襄愍淵爲都統制名官自  
此始此正唐之元帥而唐嘗以儲佐領之猶宋以儲佐領京牧  
也漢加大將軍亦都統也宋有馬步軍副都總管遇出征則加  
以都統制之名又有統制統領唐在本道曰大都督征討曰大  
總管宋諸州亦有總管總之持節一方則謂之節度團練防禦

因兵以名亦漢之將軍也古文彥并用郡守卽稱州將加官有  
大小不外于爲將之意宋之都指揮亦將軍也石林燕語云自  
梁置在京馬步軍都指揮使後唐改爲侍衛親軍周世宗更名  
殿前司宋因而爲三衛率以彥臣充之今仍存其名于各衛而  
領兵則曰總兵官亦專以彥臣充之而將軍遂爲掛印之號及  
彥職之勳階矣今之勳將古之戎右也或稱戎副或曰偏師或  
曰軍倅今之參將本參戎之意也古有遊擊今稱遊佐擊于古有  
準備今稱守備皆偏裨也

五軍始于五營五府因于五督○漢北軍有五營文帝置中壘  
後漢省之但置中候續志曰北軍中候一人掌監五營卽五校



也魏晉逮江左皆置五校智按齊內政楚荆尸卽有中前後左右五營漢以後因之耳晉有左右前後四將軍已爲二衛三部已又置虎賁羽林上騎異力四部并命中爲五督此今日五軍都督府之所自也唐之三衛漢之卽衛也唐五府三衛志曰親衛之府一曰親府勳衛之府二曰勳一府曰勳二府翊衛之府二曰翊一府曰翊二府以資蔭補之朝會之儀三衛番上分爲五仗號衙內五衛又有十率府自晉有中衛率階分置十府唐肉之皆以備天子東宮宿衛也武德七季改親衛驃騎將軍爲中卽將勳衛車騎將軍爲卽將此正漢以卽執戟宿衛之意也三衛非權勢子弟徹退番後三衛益賤人罕趨之太和五季停

資蔭近代之五府亦以世襲之侯伯克之五府但管京城之衛禁兵乃在京營戎政而宿衛大仗則屬于錦衣衛大漢將軍以一駟馬領之紅盔明甲將軍以一勳臣領之此正似唐千牛衛所掌耳

戶衛戶將也○表郎中令屬官郎中有車戶騎三將如淳曰主車曰車卽主戶衛曰戶卽楊惲傳戶將尊師古曰官名功臣表郭蒙以戶衛起薛蟲逢無害皆以戶將王嘉坐戶殿門失闌免注守殿門前五行志門衛戶者蓋寬饒行卽中戶將事

廐將主閑廐也重將主輜重也林將猶言羽林也城將築城之兵也弩則有弩將射則有樓煩將騎則有郎騎將慎將言謹慎



也特將言勇持也粟客治粟也軍匠軍工也駢隣竝兩騎爲軍翼也說衛衛軍行之止舍也掌軍門則有門尉掌旗幟則有職志掌蔽遮則有塞路執矛執盾各有其職牛司馬騎司爲各効其用長隊將二隊將三隊將各因其材而游擊將軍以游擊爲事長鈺都尉以長鈺爲事此皆漢初軍制官名○功臣表右司馬齊受以家車吏許益以駢隣從起昌邑以說衛入漢說衛猶稅衛也周昌以職志擊秦陽城延以軍匠韓信爲粟客當是粟客周竈爲長鈺都尉張良以廐將陳豨以特將爲游擊將軍郭蒙爲城將宣虎爲重將室中同秦同爲弩將耐跖爲門尉陳涓蟲逢以二隊將戎賜以三隊將爰類以慎將許惲用趙右

林將丁復爲樓煩將高邑爲上隊將郭亭爲塞路文紀曰塞路洪邁曰史記皆無此官名

唐之千牛衛宋之奉宸隊街仗猶今之錦衣衛也○今稱錦衣衛爲執金吾此似而非也秦中尉掌徼循漢改爲執金吾列九卿復掌京師盜賊考按從事後漢掌宮外戒司非常水火之事而衛尉巡宮中與金吾相表裡唐神策稱中尉則中官矣錦衣衛考云本秦漢之郎中令也郎中令掌宮門戶漢名光祿勳期門羽林屬焉而衛尉實掌宮門衛屯兵則錦衣亦似衛尉論職爲都指揮使則有似乎宋之殿前司今人稱校尉爲緹騎則本于漢金吾之緹騎也唐金吾衛掌宮中京城巡警烽候道路水



草之宜而千牛衛掌侍衛及供御兵仗以千牛備身左右執弓  
箭宿衛以主仗司戎器朝日領備身升殿列侍殆為近之宋有  
捧日隊殿前諸班也奉宸隊殿前諸直也奉宸卽唐千牛營二  
隊稱親扈鹵簿又皇城司掌入殿門圓號入宮門方號略似之  
而皇城司在內嘗以親王提舉非其職也其金吾街仗乎淳化  
金吾四營則魏丕新募太子親選如禁兵之制祥符七年金吾  
引駕仗是也明朝十二衛亦直宿衛而錦衣所掌者乃鹵簿儀  
仗旗手所司乃旗纛金鼓諸衛皆統軍衣而錦衣衛獨領校尉  
力士師周之虎賁旅賁也本以待功臣之子孫而今以內寺之  
戚緝事之功升焉詔獄係之則又異矣漢執金吾屬有中司馬

武庫令式道候應邵曰吾禦也師古曰金吾鳥名主辟不祥崔  
豹古今注曰金吾棒也銅為之金塗兩末禮小司寇大賓客前  
王而辟鄭司農曰若今時執金吾下至今尉奉引楊雄執金吾  
箴曰吾臣司金敢告執璜程大昌以為金釦其末呼曰封杖又  
見一條言漢志以為馬則鳥訛也茶經謂椎曰木吾可為左證  
互詳昆于條下

羽林者天有羽林星羽林孤兒者取從軍死事之子孫養羽林  
官教以五兵也○師古曰如羽之疾如林之多

巖卽羽林郎也○掌宿衛侍從常選以六郡良家補蔡質漢儀  
曰羽林郎百十八人無常員府次虎賁府木也帝以優焉從獵



還宿殿陛下室中故號巖郎演敏露引為宣帝誤

飲飛熊渠取力士名也○古之刺蛟者見呂覽淮南服虔曰因以材力名官師古曰取古勇人以名官如熊渠之類是也唐武衛外府熊渠番上者分配之焉奉世傳發越騎迹射飲飛鼓者羽林孤兒表注少府有飲飛飲飛木合弋武帝改之韓非子衛弋有左弋者

期門期語殿門也○東方朔傳徵行如出常用飲醇已八九月中與侍中常侍武騎及待詔隴西北地良家子能騎射者期諸殿門故有期門之號屬郎中令平帝更名虎賁郎甘延壽誅弁為期門上官桀為羽林期門郎傳介子傳有期門郎遂成

續志有虎賁中郎將非扁賁校尉也○扁賁中郎將屬光祿勳平帝所改期門郎也虎賁校尉屬北軍掌輕車後漢并射聲國語叔孫穆子曰天子有虎賁習武訓也諸侯有旅賁禦蕃害也大夫有貳車備承事也士有倍乘告奔走也衛懿公在輿有旅賁之規

蜀之散騎非黃門之散騎也○蜀志諸葛亮上言有賓叟青羌散騎武騎

漢別有衛將軍非衛尉亦非郎衛也○文帝拜宋昌衛將軍領南北十一月罷衛將軍此在南北軍之外三月發中衛材官屬衛將軍長安十四季中尉周舍為衛將軍軍渭北宣帝拜張安



世車騎將軍數月罷車騎將軍屯兵更爲衛將軍兩宮衛尉城門北軍兵屬焉

怯薛元之宿衛也○元志有四大怯薛言分宿衛供奉爲四北國亦有都赤入直負骨朶干背

黃頭習流也○枚乘上吳王書遣羽林黃頭循江而下注蘇林曰羽林黃頭習水戰者也鄧通以濯船爲黃頭卽注土勝水其色黃故敕船之卽皆著黃帽史記勾踐發習流二千伐吳言習水戰也索隱引流者五刑謂流放者使習戰迂矣

舟虞掌舟官也○國語叔嚮退召舟虞與司馬注舟虞掌舟稱妮守捉也○中山王焉傳顯宗報曰今五國各宮騎百人稱

妮前行皆北軍游騎唐初兵之戍邊者大曰軍小曰守捉曰城曰鎮而總之者曰道如東萊守捉長樂守捉志曰守捉將千人漢之言妮正如唐之守捉其音義相因可無疑也康傳圭發土團赴代州至城北妮隊不發言妮整其隊而不行也

路鈐卽路將也○宋實錄曰陝西諸路四十二將河北諸路三十七將東西十二將其曰路鈐以爲兵馬鈐轄也宋以朝官及諸司侯以上克或一州或一路或兩三路嘉祐詔內臣鈐轄都監者遂路止置一員但當官高資深者加都字稱都鈐轄也建炎三季要郡皆臣兼兵鈐轄丞臣爲之副改都監爲副鈐轄紹興三季守臣罷兼兵職朝野雜記曰丞臣爲路鈐亦無尺籍伍



符每歲猶徃諸郡按閱特存故事而已

元之萬戶府正今之都司也○漢列郡有都尉唐之軍城守據實散在各地節度而下有防禦防禦正宋之鈐轄都監也元有行樞密院洪武初改翼元帥府又改行都督府已定為都指揮使掌都司管衛所戎政按元人既平江南于浙東一道置三萬戶府高郵參州置兩萬戶府揚州建康置七萬戶府杭州行省置四萬戶府其體貌責任若今都閫之體而權力倍之洪武初衛所亦重後遂凌夷金紫低眉奔走于使者之前矣

軍正軍司馬也○藝文志軍正揚僕紀奏兵錄昭紀軍正王平擊益州胡建守軍正丞師古曰南北軍各有正正又置丞衛青

問其罪于正閔注張晏曰正軍正也史記穰苴召軍正問楊敞鄭衆梁颯班勇皆為軍司馬一曰軍司空主法之官即軍正也孔穎達曰上士得號行司馬及在軍二十五人長中士號兩司馬五人長下士號公司馬以司馬主軍軍事太嚴雖卑亦同號也

護軍之名起于秦都護起于漢○志護軍都尉秦官也元狩四年屬大司馬成綏和元年李居大司馬府比司直哀更名司寇平更名護軍陳平為護軍中尉班固為大將軍中護軍韓安國為護軍將軍魏置護軍將軍主選晉志百官曰魏以韓浩為護軍史渙為領軍非漢官也建安十二季故中護軍中領軍用



蔣濟曹休元帝省明帝太寧復置領護各領營兵江左以來領軍不復別領營護軍猶別有營也都護之名始于鄭吉蓋從前輪臺渠黎皆有田卒置使者校尉領護是時獨護南道日逐王降漢神爵三季乃因使吉并護北道遂名都護治烏壘城表言地節二季誤也唐大都護府大都護一人副大都護一人副都護二人宋開寶以丁璉為安南都護以其奉貢也建炎元季置都統制以王淵為之其下分為五軍紹興稱神武五軍俄又改為行營五護軍

候奄軍候也○晉張老為元候國語范獻子為候奄注候奄元候也士富代張老也襄十九公享晉卿于蒲圃賜三命之狼軍

尉司馬司空輿尉候奄受一命之服漢有軍候又有假候中興不置中壘但置中候一人周有候人左傳使候出諸轅轅候本送迎賓客之官軍中候望之義也

授鉞壇拜也○唐渾瑊傳德宗巡狩山南城以諸運衛谷口帝臨軒授鉞用漢拜韓信故事終軍傳大將軍秉鉞抗旌橋立傳四府舉玄為度遼將軍假黃鉞吳陸遜假黃鉞晉成加王導假黃鉞謝安禦苻堅特假黃鉞

虎文或服也○後百官志或官服曰虎文哀紹傳被以虎文注曰虎賁將冠鶡冠虎文單衣襄邑歲獻織成虎文衣唐百騎衣五色袍乘六閑馭馬虎皮韉為游幸翊衛



挾經兼抱挾兵書兼抱鼓也○吳語曰係馬舌出火竈陳士卒百人以為徹行百行行頭皆官師擁鐸拱稽塗肥胡奉文犀之渠十行一壁大夫建旌提鼓挾經兼抱十旌一將軍載常建鼓挾經兼抱萬人以為方陳肥胡幡也稽祭戟也左傳之行首即徹行也

齋斧齋戒受斧也典故始於北魏然實因附會齋斧之易說也○魏志凡將出必齋戒之廟受斧故名齋斧本因資斧或作齋斧故沿大此名陳琳檄孫權要領不足以膏齊斧毛修之傳使齊斧停柯又宋前廢帝資鈇電斷是也智按陸德明釋文旅卦得其資斧子夏及衆家並作齊斧張軌云齊斧蓋黃鉞斧也張

晏曰整齊也應邵曰齊利也虞喜志林曰齊當作齋齋戒入朝而受斧下卦同因此附會之說北朝耳食而大事制遂為典故出處天下可咲者寧止此一端邪

### 兵政

周之丘井蓋本於黃帝也○李靖問對曰黃帝始大丘井之法其形井字間方九馬五為陣法四為間地此所謂數起于五也虛其中大將居之環其四面此所謂終于八也風后握奇圖不外是矣一作握機史記黃帝以師兵為營衛正義曰環繞軍兵為營以自衛若轅門即其遺像

周制五伍十聯後世未有出此者也○周禮五人為伍十人為



聯五家為比十家為聯四閭為族八閭為聯軍師旅卒兩伍即  
鄉州黨族閭比遂縣都鄙里隣易氏曰總不出五人之伍百人  
之卒 繚子伍制令五人為伍十人為什五十人為屬百人  
為閭周書大聚云五戶為伍以首為長十夫為什以季為長管  
子內政亦伍其鄙特以萬人為軍與司馬少異此蘇軾所謂王  
用繁曲而伯用簡直之說乎其法五家為軌有長十家為里有  
司四里為連有長十里為鄉有良人焉以為軍令五十人為小  
戎鄉有二千人為旅五鄉為帥故萬人為一軍三萬人以方行  
天下五鄙者五大夫各治一屬也吳語王孫雄設法百人為行  
十行一旌十旌一將軍引司馬法曰十人之帥執鈴百人帥執

鐸千人帥執鼓萬人帥執大鼓晉蒐被廬作三軍襄十三季蒐  
綿上新軍無帥使其什吏率其卒乘官屬以從下軍正義曰什  
吏謂十人長也則晉人為軍皆以什計之亦管子之法也魯三  
軍閔宮頌僖公曰公徒三萬鄭玄曰舉成數也迂矣按乘馬之  
法甸六十四井出戎馬四匹兵車一乘牛十二甲士三人卒七  
十二人舊說此畿外邦國法司馬法同方百里萬井三萬家革  
車百乘士千人徒二千人舊說此畿內采地法李靖之言三甲  
則指乘馬法矣

開敦閭伯之元卒即齊之申驅貳廣啓肱大殿楚之右轅左追  
辱前茅廬無中權後勁也○周書或順解曰五五二十五曰元



卒一卒居前曰開猶啓也一卒居後曰敦猶殿也左右一卒曰  
閭四卒成衛曰伯一長三伯一長曰左一長曰右三右一長曰  
正三正一長曰卿一長曰辟君也此謂諸侯三軍裏十三卒齊  
伐衛有前鋒軍曰先驅次前驅曰申驅公副車曰貳廣左翼曰  
啓右翼曰肱後軍曰大殿宣十二卒言荆尸陳法在軍右者挾  
轅為戰備在左者追求草蓐為宿備慮無如今有斥候踰伏見  
騎賊舉絳幡見步賊舉白幡茅明也或時以茅為旌識此分中  
前後左右以大營陣也

奧麗鄭也荆尸楚也句卒越也皆伍法也○桓五季鄭為奧麗  
之陣先偏後五五承彌縫注司馬法車戰二十五乘為偏以車  
居前以伍次之宣十二季荆尸即二廣也廣有一卒卒偏之兩  
注十五乘為一廣古曠反司馬法百人為卒二十五人為兩車  
十五乘為大偏今廣十五乘亦用舊偏法復以二十五人為承  
副哀十七季越子為左右句卒注鈎伍相著別為左右屯此皆  
用伍法也有謂注說不一者智按杜預以十五乘為大偏九乘  
為小偏尤大者有二十五乘之偏奧麗尤大之偏也二廣大偏  
也巫臣所舍之偏小偏也

伍卒即什伍也○升菴引兵法會要五人為伍有參聚十人為  
卒有行列卒今作保鴉字從此

材官騎士猶六韜選法也○太公六韜選車士騎士法取季四



十以上長七尺以上名曰或車或騎之士高紀注如淳曰高不滿六尺二寸以下為罷癯漢儀注民年二十三為正一歲為衛士一歲為材官騎士習射御騎馳戰陳五十六乃免韓詩說二十從役三十受兵班昭曰古者十五受兵六十還兵光武紀注高祖選能引關蹶張材力或猛者為輕車騎士材官樓船以太秋肄講光武罷復民伍刑法志曰踵秦置材官補兵志曰材官騎士屬郡都尉八月會都試水處為樓船

火子長火也○府兵十人為火火有長火曠騎之制內弩子擇六戶白丁宗丁品子孫壯強者為四籍十人為火五火為團通典一人曰燭二人曰比三人曰參比參曰伍伍人為烈烈有頭

二烈為火火大子五火為隊則曠騎之圍也府兵以三百人為團則大團也漢鴻臚屬官有別火倘亦主外國隨從之卒長等辛木蘭詩有火伴今為通稱

曲制者部四幡幟金鼓之制也官者百官之分道者糧路也至用者主軍費用也○孫武子曰法者曲制官道主用也青藤路史引鶡冠子作曲制官備主用今孫武子作官道

西京曰都肄東京曰乘之皆閱習也○刑法志武帝歲時請肄習武備道典十月都課試蓋漢承秦制十月幸長安水南門會五營士為八陣進退高紀十一季注材官騎士常以八月大守都尉令長丞會都試課殿最水處則習樓船漢王且傳將軍都



郎羽林注張晏曰都試也光祿挈今諸當試者不命都所免之  
王莽傳董志方諸兵都肄後志太秋斬牲之禮曰緇劉一曰緇  
膊兵官皆肄孫吳兵法六十四陳名曰乘之魏閱兵東郊晉大  
閱于宣武觀唐禮志以仲冬講武都外其狩田日圍田宋大閱  
西郊光武門外有西教場太平興國築臺于千秋門外之揚材  
日講武臺掌閱諸軍都試元及今日皆曰下操凡府縣皆有教  
場

尺籍兵簿也○漢六尺籍五符小宰聽政役以比居聽師田以  
簡稽注比居謂伍籍也簡稽士卒兵器簿書程不識治軍簿長  
史急李唐之莫府上簿

羨卒卒之副也○采芑箋曰宣王承亂羨卒盡起羨謂冢之副  
丁公劉詩其軍三單箋曰大國三軍以其餘卒為羨單者無羨  
卒疏曰單而無副也古者國有游倅田有餘夫軍有羨卒所以  
副其正也大司馬修閭與其國粥疏曰謂國家粥養入正卒  
且為羨卒者遂人疏曰天子六卿六遂合有十二軍而止言六  
軍蓋六卿為正六遂為副倅至大國之三卿三遂次二卿二遂  
小一卿一遂莫不皆然但以王家迭用之則常六軍耳  
周之七萃漢之八校也○春官車僕掌戎車廣車闕車革車輕  
車之萃凡師共革車各以其萃會同亦如之萃猶副也萃與倅  
通穆天子傳曰七萃之士生捕虎天子蓄之東號號曰虎牢又



曰賜七萃之士注萃聚也猶傳有七輿大夫聚集有智力者為  
王爪耳也王元長曲水序七萃連鑣虞義詩云屯七萃士白樂  
天云周設七萃漢列八屯漢初為五營五校成帝增置八校尉  
表有中壘屯騎步兵越騎長水游騎射聲虎賁而游騎不常置  
故刑法志曰內增七校外有樓船建武政為五營其曰青巾即  
越騎也靈帝西園八校尉則上中下典助佐軍左右凡八而五  
校之稱自魏晉建江左皆因之

衛尉之八屯非八校也城門之八屯又非衛尉之屯也○西京  
賦衛尉八屯植鍬垂啟注曰八校尉諸屯皆衛尉掌之此失之  
矣校尉北軍衛尉南軍宮門四面皆有公車每門各有二司馬

凡八司馬故曰八屯元紀初元五年司馬注師古說是也城門  
八屯者表城門校尉掌城門屯兵有司馬有十二城門候注師  
古曰八屯各有司馬王伯厚曰衛尉自有八屯與此不同衛尉  
主宿衛此主城門環濟要畧曰城門校尉高帝置從緹騎百二  
十人或帝始增屯兵

漢選募之士曰勇敢曰奔命曰伉健曰豪吏曰應募其罪徒曰  
謫民惡少曰亡命曰徒曰犯刑曰罪人曰應募罪人○成紀天  
漢中發勇敢士擊外國昭始元初發捷為蜀郡奔命擊益州注  
應邵曰舊時郡國皆有材官騎士以赴急難今有急常兵不足  
以討之故選精勇聞命奔走者李斐曰平居發者二十至五十



為甲卒今十五至二十為奔命丙吉傳邊郡發奔命宜本始中  
大發伉健習騎射者從軍趙克國奏四月艸生發屬國游騎伉  
健名千倅馬什二就草王溫舒傳會宛軍發詔召豪吏宣神爵  
元季發弛刑徒及應募飲飛射士克國願罷騎兵留弛刑應募  
及私從者其罪徒七科即弛刑之目又按天漢四季發天下七  
科謫愚謂即罪徒七科而張晏曰更有罪一七命二贅壻三賈  
人四故有市籍五父母有市籍六大父母有市籍七想有據也  
又按吳起以棄城失守欲除其醜者聚為一卒曰軍之鍊銳王  
莽募天下囚徒以禦外國名曰豬突宣帝遣鄭吉將免刑田渠  
黎以攻車師光武發馬援將十二郡弛刑四萬佐擊五溪蠻吳

王僚罪人三千先犯胡沈陳三國勾踐死囚五百屬劔前行元  
用拔都魯叔牌攻安豐則用此者不乏也  
曰丞徒曰崇卒皆步兵也○左傳右徒兵荀吳崇卒魯言公徒  
克國曰步兵九枚晁錯曰此步兵之地也  
等杖兵樣也○建隆初置刺員以處退兵所汰之兵也又蒐強  
壯曰兵樣其後更為木挺差以尺寸高下之制謂之等杖祥符  
重定等杖為五等

唐之十二衛為南衙漢之南軍也六軍為北衙漢之北軍也宋  
為三衙其實兩軍也○漢宮城門內為南軍宮衛屯兵屬焉衛  
尉主之京城門外為北軍京輔兵卒隸焉中衛主之唐兵志十



六衛會要惟敘十二衛而監門千牛附列百官志曰左右衛驍  
衛或衛威衛領軍衛金吾衛監門衛千牛衛各有左右外為折  
衝果毅府李泌曰府兵為衛士神策為禁軍唐初有元從禁軍  
卽父子軍以白渠腴田給之太宗擇善射于北門長上從獵曰  
百騎又置北衙七營號飛騎高宗置左右羽林或后改百騎曰  
千騎睿宗改萬騎玄宗平韋氏改龍武軍以萬騎隸焉至德二  
載改曰神武天騎制如羽林總曰北衙六軍又置衙前射生手  
曰供奉射生此時以左右龍武左右神武左右神策號六軍也  
德宗幸梁還號奉天定難總曰十軍自此屬于內臣號天子禁  
兵云五代有私兵而親軍之號始于明宗後又有殿前都指揮

使亦親軍也殿前司始于周世宗宋以此禫遂不除都檢點以  
殿前司與侍衛司馬步軍為三衙其實兩司而侍衛司都指揮  
使外又分置步軍都指揮使殿前司亦參馬步軍總于都指  
揮使天下之兵領于此矣近代設錦衣等上十二衛以衛宮禁  
設留守等四十八衛以衛京城亦南北軍也永樂都燕增至七  
十二衛而復有五軍營三千營神機營千少保選三大營為十  
營團操成化為十二營自此衛軍漸為虛名而錦衣止于儀仗  
護衛三大營十二萬無南北名要以內官提督而勳臣統之添  
設戎政尚書佐之一科一道巡視竟曰北軍可也天啓中老父  
為職方見兵部呼應參劾乃奏大本部標兵三千而債帥皆恃



奧援參遼逃將皆不行職方且供臺省頤指李邦華汰京營而  
戎政出矣老父前以不封魏良卿伯忤璫削籍崇禎賜環居火  
房絕請託止能依御覽冊推選為公而知將鼓礪非一手足之  
任樞枉宥密平素不講惟有上容毋動為大耳已已尚寶假歸  
著全邊略記列師中表

漢之更代唐之番上也南北軍後有召募長從猶府兵後變而  
彊騎也○漢或增置八校凡越騎皆屬中尉而北軍始有召募  
之兵又于光祿勳增羽林期門而與衛尉同掌宮門而南軍始  
有長從之兵後乃遠調已募外兵募吏民而更代之法寔弛更  
代者一歲為衛士一歲為材官騎士蓋寬饒傳衛卒願更留一

季是郡國番上于南軍之制黃霸為京兆尹發騎士詣北軍是  
三輔番上于北軍之制魏相傳相守河南河南成卒都官者二  
三千遮大將軍言願復留作一季以贖太守罪師古曰來京師  
詣官府為成卒若今衛士上番分守諸司是也府兵始于西魏  
大統中周文帝興蘇綽之策而備于隋唐因之凡發府兵下符  
契當宿衛有番上兵部以遠近給番自府兵壞衛佐為僮僕執  
役詆訾者呼為侍官諺曰將軍大彊騎衛佐小郎官張說置長  
從于南衙開元十三季號彊騎十六季改為羽林騎又百騎改  
十騎改萬騎亦名羽林肅宗時有供奉射生官代宗還京有禁  
旅都以神策為號貞元恩領之自此而方鎮橫于外宦官以禁



軍橫于內矣

魏五兵晉六軍王校則魏晉迨江左未之有改也○五兵卽中外騎別都也後魏為七以中外分左右也晉以領護左右衛驍騎游擊為六軍或紀泰始元季初置四護軍以統城外諸軍又置中軍將軍以統宿衛七軍六典注魏或為丞相有武衛營太康十一季王佐為北軍中候領禁兵則仍有南北軍之制也五校則屯騎步兵越騎長水射聲也

廂軍起于唐而宋之廂軍號及天下禁軍稱自漢而宋之禁軍亦徧天下○唐本用李靖兵法分左右廂自變驍騎遂謂禁兵諸道變為長征謂之鎮兵宋梁以鎮兵之制用之京師京師兵

有四廂而諸軍兩廂遂有廂軍之名周世宗于方鎮寄招禁軍別大營部由是州郡始有禁軍宋太祖作階級法專治禁軍而天下鎮兵通謂之廂軍元豐兵令悉以雄節之類升同禁軍由是禁軍始徧天下熙寧初分諸將總隸禁旅謂之將兵宋法三司禁旅就糧州郡亦不常坐食于京師自列郡各置禁軍于是嚴差出占破之令而壯城作院各置指揮由是在京禁旅無就糧者而廂軍亦升禁軍不復戍役矣下度兵錄一曰禁兵殿前馬部二司隸焉二曰廂兵諸州隸焉三曰役兵郡有司隸焉四曰民兵農之健而材者籍之此四者盡矣

蜀有雙兵有壇丁○董阜傳雙兵蜀兵也杜谷布軍中唐揚師



大數陳敬瑄罪自言集木道壇丁十五萬人路振九國志孟知祥言蜀中諸郡有壇丁

昭義步兵山河子弟雄邊子弟唐之民兵也○李抱真在澤路以射賞罰遂號昭義步兵雄冠山東呂元膺留守東郡募撫山棚曰山河子弟李德裕節西川三百戶取一人教之曰雄邊子弟大十一軍

咸平保毅景德弓箭手康定宣毅慶曆義勇保捷治平潮循槍手熙寧邕州峒丁元豐保甲建炎團結巡社紹興荆鄂雙丁槍杖子弟乾道淮南神勁皆宋之鄉兵也○真宗咸平四季命使陝西稅人戶家出丁一號曰保毅置標槍有牌誡之遂置廣捷

兵景德二年知鎮戎軍曹瑋言應募弓箭手者請給以閒田許之仁宗慶曆募關中民補振武軍以兵遵路議復民兵簡河北強壯刺手背為義勇又刺河東又簡陝西弓手為保捷胡宿且請刺緣邊軍司馬光爭之是時弓箭社寨戶土丁弩手敢勇蕃兵各因其方名之通謂鄉兵而保甲之制則元豐以諸路義勇改為保甲也西邊神捷改名萬勝二十營京東西淮浙江南荆湖置宣毅軍則康定慶曆已置矣建炎從李綱募兵詔諸軍團結旋即罷之以諸路民兵為忠義巡社英宗治平間廣東已置槍手熙寧間廣西置峒丁以防邊交趾率以三等戶五丁取一以充團結紹興三年許中帥廣西調峒丁靜江防拓三十一季



詔淮漢間取主戶之雙丁十戶為甲五甲為團團有長荆門守  
臣姚岳籍民兵置槍杖號壯子弟張栻益修其法孝宗乾道元  
年漕臣馮忠嘉言教閱保甲湖北王炎言荆南團結義勇虞允  
文言興元義士可用令晁公武訪弓箭手舊法得之瀘州為一  
書錄上神勁軍則淮南弩營也真州嘗置營寨要之宋時大勢  
業已失計迄于敗亡于民兵何責乎陳傅良曰國初州郡無禁  
兵自騎射至守城名額二百餘總為本城而已禁軍皆三司之  
卒分屯戍成今屯泊駐泊之名而鈐轄都監監押之官所部領  
也三邊之兵間因事宜升為禁軍者所謂四十四處禁軍是已  
是為就糧自元昊叛而西北有保毅王倫起而東南有宣毅於

是列郡稍置禁軍至嘉祐中置威果凡二十五指揮亦九大郡  
要害之處熙寧按天下廂軍籍五十萬人而不知戰于是教閱  
之法起其後以廂軍團併為額今兩浙崇節福廣保節之類是  
已教閱之兵因別為額而隸之將下今兩浙雄節福建廣節之  
類是已方成法之行也三司禁旅轉徙于四方而州郡廂軍大  
抵以供百役蓋勞之則易使散之則易養此藝祖神謀也自州  
郡各有禁軍三司之卒不出常坐食于京師于是養兵始為大  
患蘇軾以宋遣禁兵戍天下為非是東魯王楨載河北鋤社與  
弓箭社同意本周寓兵于農所謂用其生力為死力也按今時  
之民兵仍宋保甲若各地所產當時如直隸保定徐祁箭手河



南嵩盧涉及永寧登豐宜陽靈寶等縣之志葫蘆礦夫角腦江  
南大倉崇明嘉定沙兵四川白禪子浙金華義烏東陽鉅牌處  
州坑軍杭嘉湖鹽徒湖廣槍弩鈎鏃閩漳環被籐牌江右長寧  
大旗閩粵綠山赤腳少林伏牛五臺蓮花寺僧皆係民兵之素  
鍊籍之卽為精良者

少從猶儻也客從以他客相從也私從私所募也義從所狂以  
義收合也○張騫傳少從進執猶言大使少使也舊說少奉從  
使非也丙信初以客從入漢留盼以客吏初起趙克國願留淮  
陽汝南步兵與吏士私從者私從亦客從客吏之類由戰國養  
客以來士皆稱客李陵曰奇材劍客是也雷被願奮擊北部曰

私從李廣傳負私從者不與鄧訓傳章和二季為校尉湟中皆  
言待我恩信訓撫養其少季勇者數百人為義從順帝詔趙冲  
督河西兵勝兵分狂湟中令居號義從鄭泰傳義從八種魏志  
梁習傳承高幹後次發諸丁強以為義從其言義作則助公家  
之力役也

積射士材官騶發也○鮮卑傳元初五年發緣邊積射士六年  
鄧遵發積射士追擊陽嘉四年發積射士度遼營謂積能善射  
之士也晁錯所云材官騶發亦謂善射也騶矢之善者是與最  
同馮奉世傳發越騎迹射卽積射也晉咸寧中樊震為積射將  
軍西城牙門



塢壁屯守也○元初元季遣兵屯河內通俗衝要皆作塢壁董  
卓鄆塢陽嘉元季緣海各屯兵而扶風漢陽三百塢魏郡恒山  
六百十六塢晉永嘉亂後以塢自守皆曰塢主魏浚屯洛北石  
梁塢魏該聚眾據一泉塢祖逖破蓬陂塢主陳川是也吳玠在  
陝因家計砦連七十砦卽是塢壁

北府兵京口兵也君子營義興人也吳中子弟荆楚劍客宣潤  
弩手皆東南兵也○劉牢之領精銳號北府兵東晉謂京口兵  
可用劉超為義興守拜中書侍郎其人多義隨超因以病衛號  
君子營以越有君子六十人也漢高祖用閩越兵孝景用東甌  
兵成帝用會稽兵光武用江夏兵用瑜勝赤壁謝玄勝淝水虞

潭以東方兵共平僭亂劉裕平南燕入長安陳霸先以韶州兵  
平侯景皆未嘗募之西北也漢置都尉九十而九江臨淮會稽  
丹陽豫章財各一尉唐府兵六百三十餘所江淮兩道不過八  
九蓋近都為多耳北善騎南善步所營伎從來稱之亦在乎用  
兵者耳

背菟大將親軍之稱也○雲麓漫抄言北人呼酒瓶為菟大將  
令人負之大昌引章氏摘簡贅筆曰背菟卽圓牌也朱漆金花  
予見都統郭綱乃韓蘄王背菟也讀菟平聲沈括詩曰銀裝背  
菟打回回則為去聲王應麟曰宋時大將別置一軍曰背菟莫  
是以菟為菟而訛耶乾道九年趙樽以所領五軍騎步各一千



人為親蒐選鋒軍詔可唐藩鎮有牙兵有銀都皆親兵王智興  
徐州置銀刀都王式除之楊行密有黑雲都蜀崔安潛與忠武  
有黃頭軍吳曾曰樂彥禎親兵謂之子將  
分團之名起于西魏而後因之○西魏二十四軍分團統領隨  
征遼東步卒八十隊分為四團唐有將軍分統四府府有郎將  
副郎將坊主團主以相統治府兵之制士以三百人為團團有  
校尉唐六典言關內團結兵建炎以李綱議詔諸軍團結以五  
人為伍五之以至甲隊為部一千二百五十人為軍其後以廂  
軍團併為額向日京營分十二團營後為三大營下標曰團標  
其曰團練團結皆鄉兵也

常選用常所選也○衛音傳所將常選

長上長直不番上也○符堅下詔長上將士長上者長上宿衛  
將士也貞元置十六衛上將軍左右衛以下皆有長史錄事倉  
曹兵曹騎曹曹司階中候司戈執戟長上又百騎亦曰北門  
長上智按長上不獨將士之名也咸平二年按故事開元置侍  
讀後有侍講因以楊徽之等為侍讀柳昂為侍講設直廬于秘  
閣侍讀更直侍讀長上八月徽之等赴職賜宴秘閣兩制皆預  
上作七言詩賜之崔令欽教坊記以每日長在至尊左右曰長  
入亦此意也直日之名自漢有之文王世子御者注如今小史  
直日矣



白直隊直也○劉裕遣白直隊主丁旣渡北岸堅白時南齊曹  
戎與戴僧靜各領白直三百人江左諸王有白直滅穀隊米杜  
鎬言唐給百官厚加以白直執刀防閣掌故之類悉許私用役  
使白直言白身上直也凡言直者皆為隊直宋太平二季改簇  
御馬為簇御龍直骨錄子直曰御龍骨錄子直軍頭引見司有  
馬步兩直禁衛有軍頭藩鎮有廳頭宋藝祖取太原兵以為龍  
衛取幽州兵以為神武員僚本藩鎮廳頭也

白徒猶白身也○管子乘馬篇白徒二十人奉車兩猶府兵之  
取白丁也唐宦官又有品官白身之名魏召白民人五百粟贖  
其身則可知白徒白身之稱矣

游奕游闕也○左傳楚潘黨率游闕四十乘注游軍補闕者晉  
以來有游奕紹興八季三衙馬軍每十將為五軍九季改衙兵  
為游奕軍乾道八季西兵為御前游奕軍今之言握奇陣法者  
以後為游兵即其意也

投子健丁也○黃回募江楚健丁八百隸劉劭乃仇健勇敢之  
稱今專為郡縣所督捕衙役之名晉太康元季去州郡兵大郡  
置戍吏百人小郡五十人此今日投子之自也

角子軍中吹角者也○唐兵志角子吹大角一通猶今之稱吹  
子也

排鑽子短槍彭排也○隋時有嶺南排鑽士亂子小鎗也余以



鑽卽鑷字唐兵志以騎而射者為越騎其餘為步兵武騎排箭  
手步射

馱幕法言備什物也○宋祁言唐兵每十為五馱法馬牛任從  
所便什物錫幕皆具乞檢求唐馱幕法按唐兵志府兵十人為  
火偏六馱馬初置八馱後改為六凡火具烏布幕鍍馬孟布槽  
錫鑊鑿確筐斧鉗鋸皆一甲牀二錄三隊具火鑽一胷馬繩二  
首羈足絆皆三今人以邊裝弓箭撤袋等為什物蓋本於此以  
什長而備物也

翹關負米選飛騎之法也○兵志貞觀十二季置左右屯營于  
玄武門領以諸衛將軍號飛騎其法取戶二等以上長六尺闊  
壯者試弓馬四次上翹關五負米三十步者翹關長丈七尺徑  
三寸半凡十舉後手持關距出處無過一尺唐云持關頭而翹  
舉其末也

射長塚唐武舉之法也○六典兵部員外郎掌貢舉有二科一  
曰平射一曰武舉其試用有七日射長塚騎射馬槍步射材貌  
言語舉重長安二季始置武舉制有長梁馬射步射平射筒射  
又有翹關負米天寶元季救長梁限以十箭六載制武舉詔大  
公廟每歲不過十人郭子儀以武舉異等補左衛長史宋咸平  
天聖治平皆定武舉法嘗于殿試策熙寧二季侍御劉孝孫請  
武科分三場凡武舉人射兩石弓馬射几斗謂之絕倫雖程文



不合格并賜及第王鄉月始以武舉鎖廳登進士第江文虎淳  
熙八季武舉第一人十一季進士授承事即後罷鎖廳之命  
限腰引弩琵琶車軸募齊力也○馬隆為武威太守募限腰引  
弩三十六鈞弓四鈞立標簡試自旦至日中得三千五百人宋  
張舜民畫墁錄言藝祖選琵琶腿車軸身取多力

階之擊磬唐之細鈴皆羅闈狗附類也○國語盟於宋候遮扞  
衛不行注候候望遮遮罔也晝則候遮夜則扞衛扞衛謂羅闈  
狗附也去壘五十步而陳周軍之前後左右彊弩注矢以誰何  
謂之羅闈又二十人為曹輩去壘三百步畜犬其中或視前後  
或視左右謂之狗附皆昏殺明罷候遮日居狗附處以視聽候

望明設昏罷階設六合版城次內布鐵菱角以乃施蟄韃機也中  
施擊牀牀枕插錮錐皆長五寸謂之蝦鬚其外又以矰周圍一  
鈴一柱施植磬連繪名為擊磬扞御可謂精密唐御突厥有網  
設鈴以犬護之皆羅闈狗附之法也



通雅卷之二十六

桐山方以智密之輯著

同里姚文燮經三較訂

事制

名數戶版也○周禮天官小宰聽閭里以版圖春官天府祭天之司民司祿獻民數穀數則受而藏之司民軒轅角也司祿文昌第六星也秋官小司寇大比登民數周語宣王料民太原仲山甫曰王治農于籍授于農隙釋獲亦于籍獮于既蒸狩于畢時是皆習民數者也漢高紀五季詔相聚保山澤不書名數石慶傳元封四季關東流民無名數者四十萬師古曰若今戶籍孔霸傳子福遺名



數千魯司會疏云漢之戶籍皆以版書之宮伯注鄭司農云今時鄉戶籍謂之戶版

廢負逋賦也○吳志部界無廢負唐元載以江淮猶有資產籍舉八李違負正今時所云未完也樊儉傳典負者坐死蓋主典未完經承之人謂其侵渙故坐之

雁戶流庸也○漢書流亡他土庸作曰流庸唐書編民有雁戶謂如雁來去無常也

白著白取也○唐元載相時郡縣白取民錢曰白著渤海高雲有白著歌曰上元官吏務剝削江淮之人多曰著春明退朝錄云一曰世謂酒酣為白著

曰搜牢曰打稽曰淘擄曰斟數曰陸掠皆鹵莽也○後漢董卓傳搜牢益為鈔掠意牢音去聲南史梁正德等四凶謂之打稽王建傳謂之淘擄廣韵載斟斟他日切即兵奪人物也一曰鈔畧史貨殖傳秦破趙卓氏見擄畧高帝紀毋得鹵掠王莽傳橫按五日後漢書應邵傳陸掠殘害京山引作陸畧

牟利猶謀利也○漢書富商大賈無所牟大利言如牟蟲食禾也國策曰下牟百姓李廣利傳以將吏侵牟之物故者衆景帝紀漢奪侵牟牟本牛鳴宮聲也聲主同故為牟等因牟之狀為頭牟岑牟兜鍪通謀通謨則聲轉也淮南盧牟六合此牟與模通注言規模也侵牟則與蚺通謂蚺賊之也



漢奪侵牟猶法獵也○日者傳法獵農民以官為威以法為機  
一曰漢奪又用圍奪亦見漢書退之用漢劫

廢舉即廢居今之屯積乘時逐利者也○子貢好廢舉尚書楸  
遷有無化居漢書曰廢居又曰蹠財役貧史記與錢通今放印  
子錢也石氏持錢訾次左首賒貸郡國隋書謂之出舉興生唐  
李泌知邊客皆舉質取利舉質即質劑以收稱貸之利也魏志  
高柔傳頗復舉人錢不周禮注若今時加貴取息

黃冊以黃小而名也○近時黃冊凡郊祀以賦籍陳發畢收藏  
者為成式每歲總數十季攢造黃冊今其造冊所托南京玄或  
湖中唐制凡民始生為黃四歲為小故相沿魏上言冊東門行

下為黃口小兒廣韻簡籛音今人戶版籍也

土斷斷土著也○晉以後流寓者多遂為僑戶後行法不便乃  
一以土著音論之名曰土斷晉興寧二年大閱戶口土斷劉裕  
表庚戌土斷咸康詔實王公以下至庶人皆主土斷白籍按江  
左之制諸土著實戶用黃籍僑戶土斷用白籍若依史照注以  
為白丁之籍則王公豈白丁哉

地著猶土著也○前食貨志曰理民之道地著為本故必建步  
立畝正其疆畷六尺為步步百為畝師古曰地著謂安土也管  
子地員猶周官之土會土均也提封定墾限民名曰正欲使安  
著樂業也李忠守丹陽流民著者五萬餘口



貌閱閱季貌也○隋文命貌閱高頻請為輸籍法閱貌者閱季貌也今謂之季貌冊

荒閱大閱也○國語文王之法曰有亾荒閱注荒猶大也後以大閱為演武之名

蔭戶猶隱戶也○熒貴戚民為蔭戶唐謂之匿戶如今之隱戶也庾冰隱實實其隱也

刑隱規影如今之影射也○字文融言刑隱詭脫唐志又云規影徭賦如今影射亦曰飛寄其言給隱官息錢即欺隱乾沒也空最言空有覆曰括戶之討最也○唐玄宗時覆田使張空最務多其獲而流客頗脫不止如今報屯田開清等事也徭空

### 名優稱簿最

訂出猶料出也○通鑑訂出雉頭鶴氅白鷲縷齊梁之間謂賊民為訂說文訂平誡也迥徑二韵皆收庾冰隱實戶口料出無名萬餘人以克軍實料出言檢料出也隱實者猶商鞅隱數也使駭急遞也○筆談曰驛傳舊有馬步急遞三等急遞最遞日行四百里即劉屈氂傳乘疾置也世說曰唐玄宗思嘉陵江山水假吳道玄驛遞令往寫貌熙寧史又有金字牌急角遞如古羽檄也唐郭處瓘兼安西請自募關中兵皆給遞馱按古但作代字代本徒耐切又特計切迭更也即遞字周禮注過所文書即今鋪遞也俗作遞金章宗泰和六年初設都控遞鋪官元制



轉送十舖一郵長有漆絹草帶縣鈴手槍撥硬賁文以行元又  
立水站遞舊唐書吐蕃傳舉兵以金箭為契有急驛人加銀鶻  
愚又按楊升菴引元樂府玉兔鶻為證雲南插雞毛火炭亦古  
羽書之遺也周禮遞令謂驛馬軍書急聞者劉晏傳初州取富  
人王邨通謂之捉驛

齊有下敕御刀者分日帖敕也○東昏親信左右御刀應敕等  
分日帖敕曰刀敕御刀捉御刀在左右者應敕在左右祇應敕  
命者

慮事錄事也慮囚錄囚也○雋不疑傳錄囚徒注曰省錄之知  
其情狀有寃滯與不今云慮囚本錄之去聲刀具切遂計為慮

囚北京人呼綠布為慮布菜豆為慮豆是可推為大吏封人  
慮事即錄事也書納于大麓孔傳作錄言舜大錄萬機之政也  
高似孫主大麓為山林麓之說按孔叢子桓子新論皆言歷試之  
使大錄萬機之政故陰陽和風雨時應其說與注疏合孟竒謂  
大麓者為壇于國外會諸侯或云大麓必山林麓治水隨山是也  
若風雨時應則九季洪水不為蓄邪

續食給驛會也○漢或紀元光元年徵吏民明當世習聖術者  
縣次續食今與計偕宣帝元康二年詔吏飾廚傳以稱譽過客  
廚續食傳傳舍也管寧傳文帝詔吏從茵蓐道上廚食李泌言  
復府兵約開地為永業田令州府給長牒續食宋元皆曰供頓



即入銜矣劉宋紀有參懷素門平進

轉帖猶今之知會也○唐或后甲甲轉帖百官令拜表百官但赴拜不知何事益若今之都吏送知會部堂堂帖使司官知之注色注其履歷也○隋虞世基納賄多者超越無者注色而已宋時未參選者具腳色狀謂之根腳邇來下司初見上司猶遍手本上開出身履歷曰腳色是也

曰旬休曰下沐曰諸急皆假也括急請急跨月也○初學記漢律吏五日得一下沐郝超請急省其父急假者五日一急一歲以六十日為限晉令急假者一月五急釋名曰急及也古休假名王尼傳護軍與尼長假顧琛傳假裝至假者每未返朝

錄有連假之名永叔題跋嘗言旬休或休假書一乍急請急

或作急史記周宣王告急于晉傳咸相諭州曰黃紙故事鋪不上門括急范甯啓括眾官管改解故事括音柘智按唐韵有括字元喜起居注曰請急跨月可以互證

稟假猶今預支也○黃門從官騶蹋陳蕃曰死老魅復能奪我稟假不又續漢志諸將軍府有稟假音彼錦反假者預借于官也彼錦之切恐非當是籛稟之稟

移病稱病移文也○稱病者移文門籍疏廣傳移病呂強傳託病符融辭病皆稱病也天子曰不豫諸侯曰負茲移病為漢百

官注籍之名



予寧丁艱也○漢哀紀博士弟子父母死予寧三年後漢祝詛  
言光或絕告寧之由陳忠爭之翟方進後母終三十六日起視  
事薛宣駁其兄修又按解嘲注應邵曰漢律以不為親行三年  
眼不得選舉乃知漢制時改也

乞身乞骸骨也○東漢李通傳以病上書乞身即乞骸意

予告命也賜告恩也○高紀注孟康曰漢律吏二千石有予告  
有賜告上郡太守馮奉世子野王遂病滿三月賜告與妻子歸  
杜陵就醫藥大將軍鳳風御史中丞劾奏野王賜告養病而私  
自使持虎符出界歸家奉詔不敬杜欽奏記于鳳曰竊見今日  
二千石告過長安謁不分別予賜今有司以為

予告則告

不得是一律兩科失省刑之意夫三最予告令也內省三月賜  
告詔恩也今告則得詔恩則不得失輕重之差又二千石病賜  
告得故有故事得去郡亡者令傳曰賞疑從予所以廣恩勸功  
也罰疑從去所以慎刑闕難知也今釋令與故事而假不敬之  
法甚違闕疑從去之意即以二千石守千里之地任兵馬之重  
不宜去郡將以制刑為後法者則野王之罪在末制令前也鳳  
竟免野王病賜告不得歸家自此始范公稱言予告賜告皆非  
假後人因告而復起官故亦謂之假去聲

馳封邊予也○馳以致切移與也說文曰重次第物也漢書民  
賣穀者無所流馳相如賦曰馳丘陵下平原師古曰延也說文



又有賤字送予也蓋專以送作移字用孫愐彼義切韻會引小  
顏曰欲賣爵者無有差坎不得流行故為差級凡物一重為一  
馳集韻或作絳又支韻今士夫馳封即本此

投鉅之鉅如撲滿而大也人知趙廣漢為鉅第鉤距按王溫舒  
傳言少季投鉅購告言姦溫舒為中尉當或帝時在廣漢前○  
○鉅从缶說文曰受錢器后購切即鄒長倩所謂撲滿投其中  
不可出也今漢書本皆誤作鉅音項

八枳言維藩也○德枳維大人大人枳維公公枳維卿卿枳維  
大夫大夫枳維士國枳維都都枳維邑邑枳維家見周書小開  
篇言上下相維通為藩蔽也後漢馮衍賦曰捷六不利為東

觀記作八枳小補引漢高紀降枳道有枳可為自也

發輶推車也○說文反推車今有所付馮奉世傳再三發輶注  
引淮南子內郡輶車而餉音而隴反集韻作輶輶今按淮南覽  
冥訓廝徒馬圍輶車奉饗注輶音拊猶拊推也呂氏春秋曰樹  
相近而靡或輶之也附拊皆从付聲而輶獨音冗以會意取耶  
如泛有捧音是一例也

請寄請託也○鮑宣奏賞人反惑請寄為姦言關說也關說見  
梁孝王世家謂關隔其說也後漢明帝紀權門請記即請託也  
曹丘生數招權顧金錢謂請託錢也杜密多陳託守令梁松數  
為私書請託郡縣免南史裴松之為長沙郡丞刺史王蘊之曰



貧無還資士有一禮之命者我為行之曰豈以鴻都仰累清風  
蓋謂說囑情分也唐玄宗言嚴挺之請屬所由

關策猶關說也或曰交關○梁孝王傳有關說谷永傳無所關  
策五行志捐身關策石奮傳寧不關没于慶鑑交關誦毀後因  
以書約為交關徐勉與子言交關已定或曰關署其事

先游先為之游揚道地也○鄒陽書曰先談即先游也張身雅  
游言雅能游也又言先容國語先導亦謂先容道地也導卻至  
使政晉田延季傳先欲為道地酈食其傳莫為我先師古曰先  
紹外也張湯傳不能為地灌夫傳嬰愧為資皆此意

聲地聲價門地也○江績劾秦桓修免修聲地今人言占地

言品格地位也後漢書袁本初生作聲價

大諾批答也○梁陳伯之為江州刺史不識書得文牒辭訟惟  
作大諾而已齊江夏三鋒高帝使作鳳尾諾以王麒麟賜之唐  
紀曰凡諸候牋奏皆批曰諾而草書若鳳尾形來明帝紀胡毋  
輔專權語曰木絹閉眼諾胡毋大張橐木絹謂帝也此即文書  
後之押字也自漢有之京資任范孟博歌曰南陽京資主畫諾  
張緒曰一生不解作諾汾晉之間尊者呼左右云咄左右必諾  
劉義叟曰咄嗟而辨當作咄諾而辨此又不必矣詳辨見釋詁  
條江左韶書畫諾唐時畫聞即今之畫知也李肇曰堂帖押名  
曰花押韋陟五朵雲體是也歸田錄言學士院用押字咨報



殿最一曰殿郵○直翁曰督郵主諸縣罰負殿郵糾攝之  
唐宋之對移即漢之換縣令之謂也○薛宣傳奏粟邑令尹賞  
與潁陽令薛恭換縣而皆大治泊宅編云今官不振職者許郡  
將部使臣兩易之曰對移余見唐已有此語今則曰調繁調簡  
未作謂末業也○周禮幣餘注曰占賣國中之作幣皆末作疏  
曰不入大府指斥出而賣之故曰作幣重農為本故謂之平民  
非農民則為末作子長所以歎末業也

古今口數湖冊為詳○遯園曰侯鯖錄天下生齒之數止據宋  
會要戶數言耳今以後湖志載古今人口數參諸史冊禹九州  
口千三百五十五萬三千九百二十三周成王時口千三百七

十萬四千九百二十三漢自高祖訖于孝平口五十七萬五千  
九萬四千九百七十八東漢光武中元二年口二千一百萬七  
千八百二十桓帝永壽三年口五千六百四十八萬六千八百  
五十六晉平吳之後口千六百一十六萬三千八百六十三隋  
大業二年口四千六百一萬九千九百五十六唐天寶十四載  
口五千二百九十一萬九千三百九宋治平三年口二千五十  
萬六千九百八十熙寧十年口三千八十萬七千二百一十一紹  
聖元年口四千二百五十六萬六千一百四十三元符三年口  
四千四百九十一萬四千九百九十一大觀四年口四千六百  
七十三萬四千七百八十四洪武中戶一千六十五萬二千七



百八十九口六千五十四萬五千八百一十三弘治十五年戶  
九百六十九萬一千五百四十八口六千一百四十一萬六千  
三百七十五嘉靖二十一年戶九百九十七萬二千二百二口  
六千二百五十三萬一百九十五萬曆六年戶一千六十三萬  
一千四百三十六口六千六十九萬二千八百五十六數較前  
代獨多然今之隱漏者實夥總之冊籍雖具漫難憑據會典稱  
休養既久生齒漸繁戶籍分合及流移附屬并脫漏不報者多  
其數乃減于舊此探本之論也

改元不宜雷同亦有避忌○學古通用編曰洪武初命政府改  
年號不可同前而永樂天啓皆載正史者何大臣之不思若此

智按梁王琳奉蕭氏改元天啓方臘改元永樂六安馬令南唐  
書張遇賢為中天八國王改元永樂丘天民會編年號一書然  
苟見則未免漏矣其所當避忌者如桓玄號大亨有識者以為  
二月了而玄之敗實枉仲春隋開皇初梁王蕭琮改元廣運江  
陵父老曰運之為字軍走也北周武帝改元宣政蕭歸離合其  
字為宇文亡曰煬帝大業識者曰離合為大苦末也陸文裕曰  
正字以一止為文前代多諱之如齊文宣太子般字正道邢子方所  
取帝曰正一止也吾兒其替乎梁武陵王紀改元曰天正人以  
為一季而敗按是永豐侯蕭搖言亂亡之事或出偶然考之帝王建元自  
漢或始兩漢無有以正紀年者至魏齊王芳改元正始高貴鄉



公改正元竟俱不祥金煬王有正元正隆之號金哀宗亡國之  
季亦曰正大元順終于至正豈盡偶然耶後世臨文亦宜稍避  
所謂宰相須用讀書人也

### 田賦

轅田易田也○晉語曰作轅田即左傳之爰田也左氏注曰分  
公田之稅應入公者爰之于所賞之眾賈侍中曰轅易也為易  
田之法服虔孔晁曰賞眾以田易其疆畔漢志秦孝公用高君  
制轅田開什佰張晏曰周制三年一易以同美惡孟康曰三年  
爰土易居古制也鞅復爰田上田不易中一易下再易食貨志  
曰歲耕種者為不易上田休一歲者為一易中田二歲者為

再易下田三歲更耕之自爰其處趙過為搜粟都尉始為代田  
才畝三剛歲代處故曰代田古法也后稷始剛曰以二耜為耦  
廣尺深尺曰剛什佰即阡陌蔡澤曰沒裂阡陌阡陌乃井之舊  
開者乃剝削而非綴置也

方田均田歸于定籍則井田至今在也○本周官均田之意董  
仲舒言井田難率行宜限民名田師丹請于成帝不行哀帝時  
行之王嘉傳詔書罷苑而以賜董賢二千餘頃均田之制從此  
墮壞王莽有三田之議區博諫止之晉大康十年有男子與七  
十畝之制元魏孝文以李安世之言均授而旋罷隋均田且給  
永業田唐太宗定口分永業田丁男十八以上人一頃八十畝



為口分二十畝為永業分寬鄉後漸敝失永徽報罷宇文  
融言戶版刷隱去籍說脫開元九年括田融請籍收匿戶羨田  
為覆田使周世宗詔行元稹均田法宋熙寧五年修方田法元  
豐罷之崇寧復行宣和又罷端拱景德且講方田于邊得其人  
故可行也推張橫渠確以為井田可行朱子曰須大亂後董日  
鑄曰後儒以井曰截若棋局泥矣殷夏五十為七十周夏百畝  
必易井而畷之不彙于商鞅乎是所謂枉籍不枉田者也孟子  
曰其實皆什一也方田而定之萬曆江陵極國行文量法即方  
田也竇儼曰小畝步百周之制也中畝二百四十漢之制也大  
畝三百六十齊之制也今所用者漢之中畝唐之小畝也

商鞅佐秦以為地利不盡更以二百四十步為畝漢則乃秦  
制也宋郭諮傳諮攝肥鄉令以千步方田法四出量括遂得其  
數收逋賦八十萬沈括增折會方田法歐陽修言諮方田法簡  
而易行詳見算數潛草曰周禮載師以宅田士田賈田任近郊  
之地以官田牛田賞田牧田任遠郊之地以公邑之田任甸地  
以家邑之田任稍地以小都之田任縣地以大都之田任疆地  
凡此諸田無非一夫百畝之內田也顏淵郭外內六十畝寧自  
耕耶賈而私之佃于農夫若古無私田之人則古無貧富之家  
矣井田之中全不破富人之田將謂奪富人以與貧民耶聖賢  
之道未有不合天地人而咸宜者也故曰限田均田自難民生



日繁地闢已定以井田之意而定公田此易簡之王道也世所  
疑難并者周公九章勾股方田之道从不講矣古豈無山谿險  
隘之藪乎周禮華離注云瓜耶離絕也孟子之截長補短可推  
論矣今之佃卽古之受也後湖之魚鱗冊非古意乎公田之籍  
一正則官民易于守法奉公而貪污不利于乾沒隱射故皆欲  
亂其籍也

算事算丁賦也事役也○漢高四年初為算賦如淳曰漢儀注  
民年十五以上至五十六出賦錢人百二十為一算治庫兵車  
馬二季注如淳曰律年二十三傳之疇官應邵曰漢律人出一  
算惟賈人與奴婢倍算賈捐之傳孝文民賦四十丁男三季不

事賈山傳高年九十者一子不事八十者二算不景紀令亦  
二十始傳後二季詔令訾算十以上乃得官朕甚愍之訾算四  
得官眼度曰訾萬錢也應邵曰十等十萬也賣人首財不得為  
吏廉士無訾不得官故減訾四算或紀建元詔八十復二算九  
十復甲卒宣紀地節詔流民還歸者勿算事言不出算賦及雜  
徭役也復甲卒者不豫革車之賦周禮大司徒注若今瘞不可  
事不算卒可事者半之也卿大夫注若今九十八十復羨卒也  
大宰注賦口率出錢也若今算泉民或謂之賦幣餘謂占賣國  
中斥幣皆未作當增賦者若今賈人倍算矣昭紀減天下口錢  
昭帝加元服毋收四季五季口賦漢儀注民年七歲至十四出



口錢或帝加口錢十三貢禹傳或帝征伐重賦于民產子三歲則出口錢故民生子輒殺豎令男七歲去齒乃出口錢季二十乃算建武詔口賦勿收責明帝詔因詣五原朔方又復其口算亦曰收事三輔民就賤者且毋收事師古曰收謂租賦事役使過更更役也○如淳曰更有三品有卒更踐更過更古者正卒無常迭為之一月一更是卒更也貧者欲得顧更錢次直者出錢顧之月二千是踐更也天下人皆直戍邊三日亦名為更律所謂繇戍也丞相子亦枉調行者往不即還因假傳一歲一更諸不行者出錢三百八官官以給戍者是過更也食貨志曰月為更卒凡復為正此漢初因秦耳師古曰更卒謂縣郡縣一月

而更正卒謂給中都官者吳王濞卒踐更予平更謂庸直也更灼曰借人自代為卒者官為出錢顧其時庸和帝時流民更賦安帝除二季連租過更虞詡傳永平章和中州縣以走卒錢給貧貧民走卒伍伯之類令出資錢不役其身其言踐者人直一月猶踐履而去若顧人當隨時價謂之平賈漢錢責不得定為二千也若不直而入錢于官謂之更賦其番上尉主之不役而收其直亦曰更賦唐法歲役二旬不役者收其庸日三尺過更者言三日之戍過之即更猶更率一月名踐更非謂出錢入官乃名過更索隱引姚氏言五月而休顏以為三月居更三日戍邊總九十三日此則不能考其是非矣曰復卒者晁錯目令民



百車騎馬一匹者復率三人除三人不作甲卒也元平詔減外  
繇外繇者襍徭役也功臣表東茅侯劉到坐事國人過員免信  
或侯靳亭祝阿侯高成坐事國人過律免皆文帝時三國志作  
太初官州郡皆義作言于常役之外供役助朝廷也

鄉帳鄉計簿也○唐六典一曰租二曰調三曰役四曰襍徭役  
即庸也凡里有手實歲終其民之季與地闊狹為鄉帳又有計  
帳具來歲課役以報度支大曆元年天下苗一畝稅錢十五號  
青苗錢人地頭錢每畝二十此即兩稅之意德宗建中元年楊  
炎始定兩稅法當時議之今天下用條編何其便民也宋手實  
書苗之名亦因于唐而當時沸議以智論之非常之原蒸民懼

焉如保甲顧役制藝諸法何其便于近代乎其弛錢禁而版  
苗錢此可嘆者官與民為市則末世吏胥之奸叢矣通商惠工  
而官增行其錢鹽中邊中京而足足以養兵則大道也王者豈  
講富哉安石與水之過而不達物情大為可惜

會計會所上之計也○史記禹會諸侯江南計而命曰會稽會  
計也用有司會歲會月要日成士會法曰要會者士師歲終正  
要會定計簿也曰比要者要會其簿也曰役要者役之章程民  
徒數也魯語曰牧擗而蒸納要也漢受計者受郡國上計簿也  
其上簿之使即謂之計武帝詔明世務習聖術者令與計偕與  
計使偕來也張蒼為計相後更以列侯主計嚴耶上書願奉三



季計最如淳曰當使悉奉歲計今助自欲入奉之最九要也非  
殿最也匡衡佐三公領計簿光武紀越雋人任貴自稱太守遣  
使奉計後遂有奉計之稱衛宏漢舊儀朝會上計律常以正月  
旦受群臣朝賀天下郡國奉計最貢獻表元符二年上谷太守  
郝賢坐計謾免晉張實遂靈長安遣王該帥步騎援且送諸郎  
貢計言貢土物與計帳也唐六典一歲一造計帳三季一造戶  
籍王彥威上占額圖又上供軍圖皆帳簿也宋金耀門文書庫  
藏三言長籍元豐有六曹架閣紹興五年張絢言蘇轍常做景  
德皇祐作元初會計錄未及上今宜作紹興會稽錄軌道號為  
都籍此即急就章之所謂集課錄也

職田職分田也○載師疏大夫以上有采有賞田及加田入有  
士田及圭田左傳楚子重請甲呂為賞田魏惠王求吳起後賞  
田二十萬漢昭賜蘇武公田二頃晉王導有賜田陳騫衛瓘皆  
給廚田隋開皇始給職田以蘇孝慈言官司出舉興生煩擾百  
姓請禁止給地以營農從之開皇中又給公僻田唐通典曰晉  
公卿各有菜田及田騶後魏孝文給刺史太守公田唐食貨志  
言給祿頗減隋制職分田一品十二頃減至九品二頃諸州都  
督都護親王府官鎮戍關津岳瀆官三衛中郎將上府折衝都  
尉等皆有田又有永業田流內九品以上口分田終其身六十  
以上私停乃收又有公僻田供公私之費後以用度不足京師



俸賜而已諸司置公廨本錢以番官貿易取息計員為月俸料  
負觀以職田給逃還貧戶每畝給粟二斗謂之地子十五年置  
公廨本錢以諸司令史主之號捉錢令史褚遂良疏罷之復給  
百官俸十八年復給職田光宅元年有納庫品于開元收田與  
逃還貧民十九年初置職田頃畝簿永泰元年百官請納職田  
克軍糧矣建元復減百官料錢李泌又增百官俸會要曰李絳  
請抽一分職田收貯以備水旱公廨錢自開元收之以稅錢克  
俸和為故事舍人李久者為閣老其公廨雜料獨取五之四  
縮悉均給之漢兒寬傳注師古曰若今諸司公廨牛羊米真宗  
興復職田檢討杜鎰言晉制有芻藁之田又得蔭人為之客

及佃客後魏宰人之官各給公田刺史以下至縣令丞六石六  
頃職分田起于此矣唐月俸之餘有食糧襍給祿粟之外又有  
利息不<sub>錢</sub>加以白直執刀防閣掌固之類悉許私用役使潛有  
所輸五代廢職田而本朝興之故事無輸稅之文上從之天聖  
詔曰吏給職田所以養廉節也慶曆均公田復限職田紹興復  
職田東南諸路收圭租有過紹者智見茅鹿門評蘇又曰老泉  
欲以職分籍沒之田作養兵之費不知當時通天下有是田否  
自是鹿門全未之考也金元志官皆有職田初亦增行省叅政  
公田洪武十年賜百官公田租以後公田俱入官止給俸祿郡  
邑所枉田皆起科陸文裕曰不聞有公田之名乃未考也邊方



大將有養廉地士頗收其入以代公費其職曰之遺子  
為官管田曰浮戶○通典宇文融括隱田曰浮戶十其作一坊  
官太閤舍謂之管田戶弱侯曰令浮戶為官管田曰管田戶勿  
以為此田戶也

通雅卷二十六終



